



Broj: 04-45-1-1634-2/24

Datum: 21.06.2024. godine

Na osnovu Strategije razvoja Općine Tešanj, Odluke o izvršavanju Budžeta Općine Tešanj za 2024. godinu, Smjernica za podnosiocima prijava kod realizacije Projekta "Podrška razvoju start up ideje mladih" u Općini Tešanj broj 04-45-1-1634/24 od 21.06.2024. godine i člana 30. Statuta Općine Tešanj ("Službeni glasnik Općine Tešanj" broj 7/11) Općinski načelnik raspisuje

JAVNI POZIV
za odabir korisnika grant sredstava po
Projektu "Podrška razvoju start up ideje mladih 2024"

I Predmet javnog poziva

Općina Tešanj objavljuje Javni poziv za prijavu korisnika Grant sredstava Općine Tešanj po Projektu "Podrška razvoju start up ideje mladih". Sredstva grant sheme usmjeriti će se na poticanje i promociju poduzetništva i samozapošljavanja na području općine Tešanj. Kroz realizaciju Projekta treba da se doprinese ostvarenju ciljeva Projekta:

- novoosnovani privredni subjekti;
- povećanje broja zaposlenika.

II Korisnici sredstava

Prijave mogu podnijeti punoljetne osobe do 35 godina starosti (navršenih 35 godina ili manje na dan potpisivanja ugovora) sa prebivalištem na području općine Tešanj, koji žele kroz početak vlastitog biznisa realizirati svoju poslovnu ideju na području općine Tešanj.

Korisnici sredstava Grant sheme mogu biti fizička lica, pojedinačno ili u grupama, koji nisu imali registrovanu djelatnost u periodu od 1.1.2020. godine do objave ovog javnog poziva, uključujući i 21.06.2024. godine, kao i članovi uže porodice (otac, majka, brat, sestra i supružnik), a sve u skladu sa Smjernicama.

III VRIJEDNOST POJEDINAČNIH PRIJEDLOGA

Detaljan opis prihvatljivih troškova i uslovi određeni su u Smjernicama za podnosiocima prijava, koje čine sastavni dio ovog javnog poziva.

Financijski iznos sredstava po jednoj prijavi, bez obzira da li se radi o pojedinačnoj ili grupnoj prijavi zavisi od prihvatljivih troškova iz Smjernica, a kako slijedi:

- subvencioniranje troškova registracije djelatnosti, jednokratno;
- subvencioniranje dijela troškova bruto plate¹ za maksimalno dva novouposlena po prijavi, u trajanju do 12 mjeseci (i drugih troškova održavanja djelatnosti²);
- subvencioniranje dijela troškova uređenja i opremanja poslovnog prostora;
- subvencioniranje dijela troškova zakupa prostora;
- subvencioniranje dijela troškova nabavke opreme, mašina, alata i/ili repromaterijala.

¹ Troškovi bruto plate su prioritet u okviru troškova pod ovom tačkom, moraju biti uplaćeni i za iste se traži refundacija, pa tek onda za ostale troškove ukoliko ima prostora u skladu sa odobrenim mjesečnim iznosom.

² Pod navedenim troškovima se podrazumijevaju troškovi vođenja bankovnog računa, troškovi knjigovodstvenih usluga, troškovi održavanja fiskalne kase.

Odobrena sredstva za refundaciju po jednom korisniku ne mogu biti veća od 9.000,00 KM.

IV Način podnošenja prijava

Podsilac prijave priprema prijavu u skladu sa Smjernicama za podnosiocje prijava koje su sastavni dio aplikacionog paketa i dostupne su na web stranici Općine Tešanj www.opcina-tesanj.ba ili se mogu dobiti na mail adresi: poslovneideje@opcina-tesanj.ba, kao i sve dodatne informacije.

Prijavni obrazac i budžet dostaviti u Koverti br. 1 a ostalu obaveznu dokumentaciju zajedno sa ličnim podacima (ime, prezime, adresa, kontakt telefon i mail) dostaviti u drugoj zatvorenoj koverti - Koverta br. 2 (pakovanje i adresiranje posebno pojašnjeno u Smjernicama) lično u Prijemnu kancelariju Općine Tešanj (kancelarija br. 7), Općinskom uredu Jelah ili poštom na adresu:

OPĆINA TEŠANJ, Trg Alije Izetbegovića br. 1, 74260 Tešanj

s naznakom:

Ne otvarati – Za javni poziv za odabir korisnika Grant sheme “Podrška razvoju start up ideje mladih”.
Zadnji dan za podnošenje prijava je **22. juli 2024. godine.**

V Evaluacija i odabir korisnika sredstava

Evaluacija i odabir korisnika sredstava će se vršiti u skladu s kriterijima i procedurom koji su utvrđeni u Smjernicama za podnosiocje prijava.

VI Dodatne informacije za podnosiocje prijava

Za sve zainteresirane kandidate Općina Tešanj će organizirati prezentaciju i edukaciju u cilju pružanja dodatnih informacija o načinu popune prijavnog obrasca, te dati odgovore i na druga pitanja vezana za javni poziv. Termin prezentacije i edukacije bit će naknadno potvrđen i objavljen.

Dodatna pitanja u vezi sa javnim pozivom se mogu dostaviti putem elektronske pošte najkasnije sedam dana prije isteka roka za podnošenje prijava, a sve putem mail: poslovneideje@opcina-tesanj.ba.

Dostavljeno:

1. Internet stranica Općine Tešanj,
2. JU Služba za zapošljavanje - Biro tešanj,
3. Lokalni mediji,
4. Oglasna tabla,
5. a/a.

OPĆINSKI NAČELNIK

Mr. sci. Suad Huskić

